

E C S O D U S.

aich mi a chridhe, agus cridhe a sheirbhiseach, a chum gu nochd-
ainn iad sin mo chomharan 'na
lathair:

2 Agus gu'n innseadh tu ann
an cluafaibh do mhic, agus mhic
do mhic, na nithean a dh'oibrich
mi 'san Eiphit, agus mo cho-
mharan a rinn mi 'nam measg;
agus gu'm bi fios agaibh gur
mise an Tighearna.

3 Agus chaidh Maois agus
Aaron a steach gu Pharaoh, a-
gus thubhairt iad ris, Mar fo
tha'n Tighearna Dia nan Eabh-
ruidheach ag ràdh, Cia fhada
dhiùltas tu thu féin isleach-
adh a'm' lathair-sa? Leig le m'
shluagh imeachd, agus gu'n dean
iad feirbhis dhomh:

4 Ach ma dhiùltas tu leigeadh
le m' shluagh imeachd, feuch,
bheir mise a màireach na locuist
a steach do d' chrìochaibh.

5 Agus còmhdaichidh iad
aghaidh na talmhainn, air chor
as nach urradh neach an talamh
fhaicinn: agus ithidh iad fui-
gheal an ni sin a théid as^a, a
dh'fhanas agaibh o'n chloich-
mheallain, agus ithidh iad gach
craobh a ta fàs dhuibh as a'
mhachair.

6 Agus lìonaidh iad do thigh-
ean, agus tighean do sheirbhi-
seach uile, agus tighean nan Ei-
phiteach uile; ni nach faca aon
chuid t'aithreacha, no aithrea-
cha t'aithreacha, o'n là a bha
iad air an talamh gus an là'n
diugh. Agus phill se e féin, a-
gus chaidh e mach o Pharaoh.

7 Agus thubhairt feirbhiseich
Pharaoh ris, Cia fhada bhios an
duine so 'na ribe dhuinne? Leig
leis na daoine falbh, chum gu'n

dean iad feirbhis do'n Tighearn
an Dia: nach 'eil fhios agad
fathast gu bheil an Eiphit air a
milleadh?

8 Agus thugadh Maois agus
Aaron a ris gu Pharaoh: agus
thubhairt e riu, Rachaibh, dean-
aibh feirbhis do'n Tighearna
bhur Dia: *ach* cò iad a théid?

9 Agus thubhairt Maois, Le'r
n-òigridh agus le'r daoine aof-
mhar théid sinne; le'r mic agus
le'r nigheanaibh, le'r treudaibh
agus le'r buar théid sinn: oir *is*
éigin duinn féisd a chumail do'n
Tighearna.

10 Agus thubhairt e riu, Gu
robh an Tighearna mar sin mail-
le ribh, mar a leigeas mise leibh
féin agus le'r cloinn bhig i-
meachd: amhaircibh, oir *tha* olc
romhaibh.

11 Ni h-ann mar sin: imi-
chibh a nis, sibhs' a ta 'nar
daoinibh, agus deanaibh feirbhis
do'n Tighearna, oir *is e* fo an ni
a dh'iarr sibh: Agus dh'fhua-
daicheadh a mach iad as lathair
Pharaoh.

12 Agus thubhairt an Tigh-
earna re Maois, Sin a mach do
làmh thar talamh na h-Eiphit air
son nan locust, a chum as gu'n
d'thig iad suas air talamh na
h-Eiphit, agus gu'n ith iad uile
luibh na talmhainn, *eadhon* gach
ni a dh'fhàg a' chlach-mheall-
ain.

13 Agus fhìn Maois a mach
a fhlat thar talamh na h-Eiphit,
agus thug an Tighearna gaoth
an ear air an talamh rè an là sin
uile, agus rè na h-oidhche uile:
agus 'fa' mhadainn thug a' ghaoth
an ear a steach na locuist.

14 Agus chaidh na locuist
suas